

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՍՅՈՒՆԻՔԻ ՄԱՐԶ
ՔԱԶԱՐԱՆ ՀԱՄԱՅՆՔ**

**ԿԱԶՄԱԿԵՐՊՈՒԹՅՈՒՆՆԵՐԻ ԿՈՂՄԻՑ ԿՃԱՐՎԱԾ
ՌՈՅԱԼԹԻՆԵՐԻՑ
ՀԱՄԱՅՆՔԻՆ ԿԱՏԱՐՎԱԾ ՄԱՍՀԱՆՈՒՄՆԵՐԻ ԾԱԽՍՄԱՆ 2026թ**

Ծ Ր Ա Գ Ի Ր

Հաստատվել է Քաջարան համայնքի ավագանու
19 հունիսի 2026թ N 48 - Ա որոշմամբ

Քաջարան համայնքի ղեկավար

Մ. Փարամազյան



ԾՐԱԳՐԻ ՆՊԱՏԱԿՆ Է՝

Բարելավել համայնքի բնակիչների կենսամակարդակը և նպաստել կլիմայի փոփոխության դեմ պայքարին՝ նվազեցնելով բնակիչների կողմից էներգիայի սպառման ծավալները

Խնդիր 1. Քաջարան քաղաքի բնակարանային ֆոնդի վերանորոգում

Միջոցառում Քաջարան քաղաքի Արովյան 10, Լեռնագործներ 16, Չարենց 1, Չարենց 2 բազմաբնակարան բնակելի շենքերի նորոգում

Նախատեսվում է իրականացնել հետևյալ գործողությունները.

1. Շենքերի նոր տանիքների (փայտե կրող տարրերի և մետաղական տանիքածածկի) կառուցման աշխատանքներ
2. Կտուրի ծածկի ջերմամեկուսացման աշխատանքներ
3. Աստիճանավանդակների վերանորոգման աշխատանքներ
4. Պատուհանների և դռների արդիականացում
5. Էներգախնայող լուսավորության համակարգի իրականացում

ԾՐԱԳՐԻ ՀԻՄՆԱՎՈՐՈՒՄԸ ԵՎ ՍՊԱՍՎՈՂ ԱՐԴՅՈՒՆՔՆԵՐԸ

ՀԻՄՆԱՎՈՐՈՒՄԸ

Քաջարան համայնքի բնակավայրերում առկա է 74 բազմաբնակարան շենք, որից 69-ը՝ Քաջարան քաղաքում: Շենքերը կառուցված են 1960-1970-ական թվականներին: Վերջին անգամ շենքերի տանիքները մասնակի նորոգման են ենթարկվել 2005-2006 թվականներին, իսկ աստիճանավանդակներն ու այլ ընդհանուր օգտագործման տարածքները՝ 1980-ական թվականներին: Շենքերի տանիքները այլևս չեն դիմանում եղանակային խիստ պայմաններին, և համայնքում հաճախ տեղի ունեցող կլիմայական արտակարգ երևույթները (տեղատարափ անձրև, ուժեղ քամի, առատ ձյուն) վթարային իրավիճակներ են ստեղծում շենքերում՝ անհարմարություններ և նյութական վնաս պատճառելով բնակիչներին և հավելյալ ծախսի տեղիք տալիս վերականգնողական աշխատանքներ իրականացնելու համար:

Վերջին հինգ տարում համայնքապետարանը հետևողականորեն բնակելի ֆոնդի վերանորոգման, բարելավման և էներգաարդյունավետ արդիականացման ծրագրեր է իրականացնում՝ համայնքին, պետական և միջազգային կազմակերպություններից ներդրումներ ներգրավելով: Մասնավորապես՝ արտաքին ջերմամեկուսացմամբ վերանորոգվել են 25 բազմաբնակարան շենքեր, ևս 9 շենք վերանորոգվել են մասնակի էներգաարդյունավետ միջոցառումների կիրառմամբ:

Քաջարան քաղաքի Արովյան 10, Լեռնագործներ 16, Չարենց 1, Չարենց 2 բազմաբնակարան բնակելի շենքերի տեժնիկական զննության եզրակացության համաձայն շենքերի տանիքների ծայեղային համակարգով փայտե կրող տարրերի և տանիքածածկերի տեխնիկական վիճակը գնահատվել է անբավարար (վնասվածության

3-րդ աստիճան), անհուսալի են հետագա շահագործման համար և ենթակա են հիմնա- նորոգման:

Տանիքաձածկերի ջրահեռացման համակարգերը վնասված են, լրիվությամբ չեն կատարում իրենց գործառույթները, ինչի պատճառով խոնավանում են արտաքին պատերն ու կտուրները:

Ծրագրով նախատեսվում է նաև շենքի էներգաարդյունավետությունը բարձրացնելու որոշ էներգաարդյունավետ միջոցառումների իրականացում, մասնավորապես՝ կտուրների ծածկի ջերմամեկուսացում, մուտքերի քայքայված մետաղական դռների և աստիճանա- վանդակների քայքայված փայտե պատուհանների փոխարինում էներգաարդյունավետ դռներով և պատուհաններով, աստիճանավանդակների էներգախնայող լուսավորության համակարգի իրականացում:

Շենքերի վերանորոգման անհրաժեշտության մասին է խոսում նաև բնակիչների՝ ծրագրին ֆինանսական մասնակցություն ցուցաբերելու պատրաստակամությունը. բնակիչների ներդրմամբ արդեն իսկ իրականացվել են 9 շենքերի նորոգման աշխա- տանքներ:

ՍՊԱՍԿՈՂ ԱՐԴՅՈՒՆՔՆԵՐԸ

1. Շենքի կառուցվածքային կայունություն և կյանքի երկարաձգում

- **Սեյսմակայունության պահպանում.** Տանիքի վերանորոգումը կանխում է խոնավության ներթափանցումը բետոնե կոնստրուկցիաների մեջ, ինչը պաշտպանում է ամրանները կոռոզիայից և պահպանում շենքի ընդհանուր ամրությունը:

2. Անվտանգության մակարդակի բարձրացում.

- Նոր լուսավորությունը և բարեկարգված աստիճանավանդակները նվազեցնում են վնասվածքների և դժբախտ պատահարների ռիսկը:

3. Զգալի տնտեսական խնայողություններ

- **Էներգաարդյունավետություն.** Տանիքի ջերմամեկուսացման և LED լուսավորության շնորհիվ շենքի ընդհանուր էներգասպառումը նվազում է: Սա ուղղակիորեն արտացոլվում է բնակիչների կոմունալ վճարների վրա:
- **Շահագործման ծախսերի կրճատում.** Ժամանակակից նյութերով կատարված վերանորոգումը նվազեցնում է ընթացիկ «կոսմետիկ» նորոգումների և վթարային արձագանքման անհրաժեշտությունը հաջորդ 10-15 տարիների ընթացքում:

4. Անշարժ գույքի շուկայական արժեքի աճ

- **Գրավչության բարձրացում.** Բարեկարգ մուտքը, գործող լուսավորությունը և չկաթացող տանիքը բնակարանների վաճառքի կամ վարձակալության գինը բարձրացնում են միջինում 10-15%-ով:
- **Լիկվիդայնություն.** Նման շենքերում բնակարաններն ավելի արագ են վաճառվում, քանի որ պոտենցիալ գնորդը տեսնում է կառավարվող և խնամված միջավայր:

5. Սոցիալական և հոգեբանական ազդեցություն

6. **Կյանքի որակի բարելավում.** քաղաքի ավելի քան 260 բնակիչների կենսապայմանները կբարելավվեն. մաքուր, լուսավոր և չոր միջավայրը դրական է անդրադառնում բնակիչների առողջության և տրամադրության վրա:
7. **Համայնքային պատասխանատվություն.** գործնականում ապացուցված է, որ վերանորոգված և գեղեցիկ միջավայրում մարդիկ ավելի հակված են պահպանել մաքրությունը և խնայողաբար վերաբերվել ընդհանուր սեփականությանը (այսպես կոչված՝ «կոտրված պատուհանների տեսության» հակառակ ազդեցությունը):

ՌԻՍԿԵՐԻ ԳՆԱՀԱՏՄԱՆ ԵՎ ԿԱՌԱՎԱՐՄԱՆ ՄԱՏՐԻՑԱ

Ռիսկի անվանումը	Մեղմացման գործողություններ
Նյութերի և ծառայությունների թանկացում	Պայմանագրերի կնքում ֆիքսված գներով
Թաքնված տեխնիկական թերություններ	Մինչ մեկնարկը կատարել կառուցվածքային մանրակրկիտ զննում և ինժեներական փորձաքննություն: ԿԱՏԱՐՎԱԾ Է
Անձրևներ և բնակլիմայական պայմաններ	Տանիքի աշխատանքների պլանավորում չոր ամիսներին: Օրական եղանակային տեսության մոնիթորինգ:
Բնակիչների կողմից վճարումների ուշացում	Հստակ վճարման ժամանակացույցի սահմանում
Ոչ որակյալ շինարարական աշխատանք	Կապալառուի ընտրության խիստ չափանիշներ: Տեխնիկական հսկողության մշտական առկայություն
Անվտանգության կանոնների խախտում	Շինհրապարակի սահմանազատում, նախազգուշացնող նշանների և ժամանակավոր լուսավորության տեղադրում
Բնակիչների բողոքներ (աղմուկ, փոշի)	Աշխատանքային ժամերի հստակ պահպանում Բնակիչների նախնական իրազեկում

Ռիսկերի կառավարման 3 հիմնական սկզբունքները.

1. **Մոնիթորինգ.** Շաբաթական առնվազն մեկ անգամ վերանայել ռիսկերի մատրիցան՝ նոր հնարավոր վտանգներ հայտնաբերելու համար:
2. **Թափանցիկություն.** Բնակիչներին տեղյակ պահել հնարավոր ձգձգումների կամ խնդիրների մասին՝ վստահությունը պահպանելու համար:
3. **Արխիվացում.** Յուրաքանչյուր լուծված խնդիր փաստաթղթավորել, որպեսզի հաջորդ շենքերի վերանորոգման ժամանակ նույն սխալները չկրկնվեն:

Ծրագիրը համապատասխանում է ՀՀ կառավարության 01.09.2022թ. 1370-Ն «Համայնքային մասհանումների ծախսման ծրագրով նախատեսված միջոցառումների ուղղությունները, դրանց առաջնահերթությունները» որշման հավելվածի 2-րդ մասի 4-րդ կետի ա) ենթակետի դրույթերին:

ԾՐԱԳՐԻ ԳՈՐԾՈՂՈՒԹՅՈՒՆՆԵՐԻ ՊԼԱՆ/ԺԱՄԱՆԱԿԱՑՈՒՅՑ

Գործողություններ	2026թ							
Քաջարան քաղաքի Աբովյան 10, Չարենց 1, Չարենց 2, Լեռնագործներ 16 բազմաբնակարան շենքերի նորոգում	5	6	7	8	9	10	11	12
<i>Նորոգման աշխատանքների ձեռք բերման մրցույթի կազմակերպում</i>								
<i>Տեխնիկական հսկողության ծառայության ձեռք բերման մրցույթի կազմակերպում</i>								
<i>Պայմանագրերի կնքում</i>								
<i>Նորոգման աշխատանքների իրականացում</i>								

ԾՐԱԳՐԻ ԻՐԱՎԱԿԱՆ ՀԻՄՔԵՐԸ

1. «Բյուջետային համակարգի մասին» ՀՀ օրենք :
2. ՀՀ կառավարության «Համայնքային մասհանումների ծախսման ծրագիրը կամ ծրագրի փոփոխությունները տարածքային կառավարման բնագավառի լիազոր մարմնի հետ համաձայնեցման կարգը սահմանելու մասին» 01.09.2022թ. № 1358-Ն որոշում:
3. ՀՀ կառավարության «Համայնքային մասհանումների ծախսման ծրագրով նախատեսված միջոցառումների ուղղությունները, դրանց առաջնահերթությունները հաստատելու մասին» 01.09.2022թ. № 1370-Ն որոշում:
4. «Տեղական ինքնակառավարման մասին» ՀՀ օրենք :
5. Քաջարան համայնքի զարգացման 2023-2027 թթ ծրագիր:

ՏԵՂԵԿՈՒԹՅՈՒՆՆԵՐ ԾՐԱԳՐԻ ՇԱՀԱՌՈՒ ԲԱԶՄԱԲՆԱԿԱՐԱՆ ՇԵՆԵՐԻ ՎԵՐԱԲԵՐՅԱԼ

	Հասցե	Բնակիչների թիվը	հարկայնությունը	Մուտքերի թիվը	Բնակարանների թիվը	Ընդհանուր մակերեսը	Չվեկոր	Կառուցման տարեթիվը
1	Լեռնագործներ 16	81	5	3	23	1697	12*55*15	1960
2	Չարենց 1	55	4	2	21	1182	12*35*10	1962
3	Չարենց 2	46	4	2	21	1336	12*35*12	1967
4	Աբովյան 10	79	4	2	27	1700	12*40*12	1968

ԿԱԶՄԱԿԵՐՊՈՒԹՅՈՒՆՆԵՐԻ ԿՈՂՄԻՑ ՎՃԱՐՎԱԾ ՌՈՅԱԼԹԻՆԵՐԻՑ ՔԱԶԱՐԱՆ
ՀԱՄԱՅՆՔԻՆ
ԿԱՏԱՐՎԱԾ ՄԱՍՀԱՆՈՒՄՆԵՐԻ ԾԱԽՍՄԱՆ

2026թ ԾՐԱԳՐԻ ԲՅՈՒՋԵ

հազ. ՀՀ դրամ

	Ծրագրի միջոցառումների անվանումը	Նախագծային արժեք	Մասհանում ոռոյալթից	Բազմաբնակարան շենքերի բնակիչների ներդրում
ՔԱԶԱՐԱՆ ՔԱՂԱՔԻ ԲԱԶՄԱԲՆԱԿԱՐԱՆ ԲՆԱԿԵԼԻ ՇԵՆՔԵՐԻ ՆՈՐՈԳՈՒՄ				
1	Արովյան 10 շենքի նորոգում	38 381,8	34 258,53	4 123,43
2	Լեոնազործներ 16 շենքի նորոգում	58 429,4	52 152,43	6 276,53
3	Չարենց 1 շենքի նորոգում	36 225,7	32 334,02	3 891,86
4	Չարենց 2 շենքի նորոգում	36 448,5	32 532,92	3 915,79
		169 485,51	151 277,9	18 207,61

Նաժարեցվող աշխատանքների նախագծանախահաշվային փաստաթղթերը, նախագծանախահաշվային փաստաթղթերի որձաքննությունը, շենքերի տեխնիկական զննության ծառայությունը ձեռք են բերվել համայնքապետարանի կողմից:

Տնօրենական զարգացման պատրաստանայում

Գ. Գաբրիելյան